

IBARRAKO UDALAREN ETA LAUBURU KIROL ELKARTEAREN ARTEKO LANKIDETZA HITZARMENA

Ibarrako udaletxean, 2024ko urriaren 8an

ELKARTURIK

Alde batetik, Igor Zapirain Lizarribar, Ibarrako Udaleko Alkate-Lehendakaria, Ibarrako Udaleko Idazkaria den Eider Esnaola Carrerak lagunduta.

Eta bestetik, Juan Pablo Zubelzu Arrayago jauna, 72441232 H NAN zenbakia duena, Lauburu KE Ibarra elkartearen lehendakaria. Elkartearen egoitza soziala: Ibarrako San Bartolome, 21 behean, IFK: G20517777.

ESKU HARTZEN DUTE

Lehenengoak, Ibarrako Udalaren izenean eta ordezkaritzan, Toki Araubidearen Oinarriak arautzen dituen apirilaren 2ko 7/1985 Legearen 21.1.f) artikulua xedaturikoaren arabera.

Bigarrenak, Lauburu KE Ibarra Elkartearen izenean eta ordezkaritzan, lehendakari gisa, 2017ko azaroaren 11ko batzar Orokorak hartutako erabakiaren arabera.

Bi aldeek Hitzarmen hau egiteko behar adinako legezko gaitasuna aitortzen diote elkarri, eta ondorio horretarako

AZALDU DUTE

I- LAUBURU KE IBARRA kirol elkarteak 2024ko uztailaren 23an Udal honetan aurkeztutako idatziaren bidez (2024/2096 erregistro zk), dirulaguntza proiektuen eta jardueren memoria aurkeztu zuela, Ibarrako Udalaren Dirulaguntzen Ordenantza Orokorak xedatutakoarekin bat etorritz. Memoria honek **267.082 euroko aurrekontua du**

II- IBARRAKO UDALAK beharrezkotzat jotzen du udal kirol zerbitzuen kalitatea etengabe hobetzea, bai eta zeregin horretan herriko klub eta elkarteak garatzea eta inplikatzeko ere.

III- LAUBURU KE IBARRA klubak, nortasun juridikoa eta jarduteko gaitasuna izanik, irabazi-asmorik gabekoa dela, eta Euskal Autonomia Erkidegoko Elkartearen Erregistro Autonomikoan inskribatuta dagoela (CD 0002253 inskripzio-zenbakia), **areto-futboleko kirol modalitatearen praktika eta sustapena helburu bakarra duela**

IV- BI ALDEEK komenigarritzat jotzen dute hitzarmen hau sinatzea honako arrazoiengatik:

- Ibarrako kirol-modalitate honetako klub bakarra delako, eta Estatuko, Autonomi Erkidegotako eta Gipuzkoako Lurraldeko lehiaketetan parte hartuz, hedapen oso garrantzitsua da Ibarraren irudi eta izenarentzat.
- Benjamin eta senior mailetatik hasita taldeak dituela, ondorioz, aukera ematen die jokalariei kirol-ibilbide osoa klubean egiteko.
- Areto-futbolaren praktikaren bitartez, lehiakortasunean hobetzea bilatzeaz gain, beste helburu garrantzitsu batzuk ere bilatzen dituztela, hala nola herriko haur eta gazteen artean ohitura osasungarriak txertatzea, futboleko emakumeen parte-hartzea handitzea edota gizarte-bazterketako arriskuan dauden biztanleak erakartzea.



V- Araubide Juridikoak

Kirola eta Jarduera Fisikoari buruzkoak

- 7/1985 Legeak, Toki Araubidearen Oinarriak arautzen dituenak, 25.2ko artikulua L atalean " *Kirola, kirol-instalazioak eta aisialdirako instalazioak sustatzea*" dago eskumen - propioen artean
- 2/2016 Legeak, apirilaren 7koak, Euskadiko Toki Erakundeei buruzkoak, 17.1.19) artikuluan xedatutakoa: *Kirola eta kirol-jarduerak antolatzea eta sustatzea, eta erabilera publikoko kirol-ekipamenduak kudeatzea*
- Euskadiko jarduera fisikoaren eta kirolaren 2/2023 martxoaren 30eko Legea
- 125/2008 Dekretuta, uztailaren 1ekoa. Eskola Kirolari buruzkoa
- Haurrak eta Nerabeak Indarkeriaren Aurrian oso-osoko Babesari buruzko ekainaren 4ko 8/2021 Lege Organikoa, IX. kapituluak, eta Haur eta Nerabeen otsailaren 15eko 2/2024 Euskal Legea, VIII. kapituluak 73. artikulutik 77.era bitartekoetan
- Emakumeen eta Gizonen Berdintasunerako eta Emakumeen Aurkako Indarkeria Matxistatik Gabe Bizitzeko Legearen testu bategina onartzen duen martxoaren 16ko 1/2023 LEGEGINTZAKO DEKRETUAK 3.1 artikulua

Izendunak diren dirulaguntzari buruzkoak

- Urriaren 1eko 40/2015 Legeak, Sektore Publikoaren Araubide Juridikorenak, 47 - 53 garren artikulua; 38/2003 Legeak, dirulaguntzen lege orokorrak, 22.2.a) eta 28.3. artikuluetan;
- Ibarako udaleko dirulaguntzen orokorreko ordenantza (GAO, 2013-06-07, 108 zk)
- Ibarako Udalaren 2024-2027 dirulaguntzen plan estrategikoa (GAO, 76. zk., 2024ko apirilaren 19koa)

VI- Lauburu KE ez dagoela 38/2003 Legeak, azaroaren 7koak, Dirulaguntzei buruzkoak, bere 13. artikuluko 2. eta 3. zatietan dirulaguntzak jasotzeko adierazitako debeku-ausaren baten pean.

VII - Lauburu Kirol Elkartea egunean dituela zerga-betebehar guztiak eta egunean dagoela Gizarte Segurantzarekin.

VIII- Bere estatutuekin bat etorritik, eskatzailearen xedea bat datorrela hitzarmen honen bidez emango den dirulaguntzaren helbururekin.

IX- 467/2023 alkate dekretuari jarraiki, dirulaguntzaren hitzarmena sinatzeko eta dirulaguntza emateko organo eskuduna Tokiko Gobernu Batzordea izango da.

X - 2024ko XXXX XXan gauzatutako Tokiko Gobernu Batzordeak Lauburu KE Elkarteari **40.000 euroko** dirulaguntza emateko hitzarmena sinatzea erabaki zuela

Aurreko guztia kontuan hartuta, **DIRULAGUNTZA IZENDUNA** jasotzen duen **HITZARMEN** hau formalizatzen dute bi aldeek, klausula hauen arabera:

KLAUSULAK

Lehena.- Xedea.

Hitzarmen honen xedea da LAUBURU KE IBARRARI **40.000 euroko dirulaguntza** izenduna ematea 2024-2025 denboraldirako, bere jarduerak garatu eta gauzatzearen ondoriozko gastuak finantzatzen laguntzeko, eta hurrengo klausuletan aurreikusitako dirulaguntza izendunari aplikatu beharreko baldintzak eta konpromisoak ezartzea.

Bigarrena.- Diruz lagunduko diren jarduerak.

1. 2024/2025 denboraldian errendimendu eta partaidetza-lehiaketetan parte-hartzea honakoetan: Estatuan, Autonomia-erkidegoan, Lurraldean eta Eskualdean, Haur eta Senior kategorien artean, nesketan zein mutiletan.
2. Emakumeen parte-hartzea bultzatzeko jarduerak



IBARRAKO UDALA
GIPUZKOA · EUSKAL HERRIA



3. Areto futbol-eskola alebin eta benjamin mailetan, neskak eta mutilak
4. Kirol kanpusaren antolaketa
5. Klubaren derrigorrezko funtzionamendurako behar diren materialak eta baliabideak
6. Kudeaketaren eta komunikazioaren modernizazio prozesuak hobetzeko
7. Uzturpe ikastolarekin lankidetzan aritzea.
8. Bestelako programa sozialak egiteko, hala nola inklusioa, berdintasuna edota euskara

Hirugarrena.- Dirulaguntzaren zenbatekoa

2024-2025 denboraldirako dirulaguntzaren zenbatekoa **40.000 euro**koa izango da
Honako aurrekontu-partida hauei egotziko zaie dirulaguntza:

- 20.600 euro **1 12.341.01.481.01 2024**
- 19.400 euro **1 12.341.01.481.01 2025**

Adierazten den dirulaguntza kopuru osotik, **bostehun (500) euro** Ibarra erroldatuta dauden eta **zaugarritasun egoeran bizi diren partaideek sortutako gastuak finantzatzeko** erabiliko dira, eta, beraz, ezingo zaie inolako kuotarik kobratu. Kopuru osoa (500 euro) gastatu ezean, ezingo da beste gastu batzuk justifikatzeko erabili. Interesdunek Ibarako Udaleko gizarte zerbitzuek emandako egiaztatagiria aurkeztu beharko dute klubak doakotasuna aplikatu dezan

Laugarrena.- Ordaintzeko prozedura

Dirulaguntzaren ordainketa egingo da, oro har, dirulaguntzaren onuradunak justifikazioa aurkeztu eta organo eskudunak onartu ondoren, beti ere jarduerarengatik eskumenak dituen departamentuak aldeko txostena egin ondoren.

LAUBURU KE **bi zatitan** jasoko du dirulaguntza:

- **Lehen zatia: 20.600 euro**, Tokiko Gobernu Batzordeak onartu eta hitzarmen hau sinatu ondoren egingo da lehen ordainketa aurrerapen gisa
- **Bigarren zatia: 19.400 euro**, dirulaguntzaren xedea, proiektua eta/edo jarduerak gauzatu direla egiaztatuta eta dagozkion gastuen fakturak aurkeztu eta onartu ondoren egingo da azken ordainketa alkate-dekretu bidez.

Kitapena 2025eko uztailaren 31 baino lehen aurkeztu beharko da.

Ordainketak Dirulaguntzen Datu Base Nazionalari jakinaraziko zaizkio ordaindu eta hurrengo hilabetea bukatu aurretik.

Ibarako Udalak aurretik emandako dirulaguntzen justifikazio dokumentazio osoa aurkeztu beharko da beste dirulaguntza berri batean parte hartu ahal izateko.

Entitate onuradunak aurkeztu duen diruz lagundu beharreko jardueraren aurrekontua, edo hari aurkeztu ondoren egindako aldaketak, erreferentzia gisa erabiliko dira dirulaguntzaren zenbatekoaren azken zehaztapena egiteko, zenbateko hori proiektu edo jardueraren azken kostuaren portzentaje bat bezala kalkulatu da eta inoiz ezingo du emandako zenbatekoa gainditu. Kasu horretan, Ibarako udalak egindako balizko finantzazioaren soberakina kalkulatu da ekarpen horrek kostu osoaren aldean duen portzentajea erreferentzia gisa harturik.



IBARRAKO UDALA
GIPUZKOA · EUSKAL HERRIA



Bosgarrena. - Bateragarritasuna beste laguntza batzuekin

Dirulaguntza hau bateragarri izango da helburu bereko beste dirulaguntza, laguntza, sarrera edo baliabide batzuekin, edozein administrazio edo entitate publiko edo pribatuetatik, Europar Batasunetik edo nazioarteko erakundeetatik datozenak, kalterik egin gabe honekin batera dauden diren beste dirulaguntzak erregulatzeko araudiak horri buruz agindu dezakeena.

Gerta daitezkeen aldi bereko finantzaketa-kasuak honako baldintza hauek bete beharra daukate:

a) Emandako dirulaguntzaren zenbatekoak ezin du inola ere gainditu, beste dirulaguntza, laguntza, sarrera edo baliabide batzuekin batera, diruz lagundutako proiektu edo jardueraren kostua.

Muga hori betetzen dela egiaztatzeko, egindako gastu osoa justifikatu behar da eta justifikatzeko kontuak jaso behar du diruz lagundutako jarduera finantzatu duten beste sarrera edo dirulaguntzen zerrenda zehatz bat, zenbatekoak eta beren jatorria adierazita daudela.

b) Finantzazioan soberakin bat gertatuko balitz proiektu edo jardueraren kostuarekiko, onuradunak itzuli egin beharko luke, berandutza-interesekin batera, dagokion justifikazioari ordainketa-gutunak erantsita. Soberakina itzuliko zaie dirulaguntzak eman dituzten entitateei, entitate horietako bakoitzak emandako dirulaguntzen proportzioan.

Hala ere, baldin eta Ibarako udala bada finantzaketa-soberakinaz ohartu dena, exijituko du soberakinaren zenbateko osoa itzultzeko, berak emandako dirulaguntzaren mugaraino.

Dirulaguntzak elkarrekin bateraezinak izateak ez du galaraziko biak eskatzea, bai, ordea, biak batera jasotzea.

Seigarrena.- Indarraldia.

Hitzarmen honek **2024ko uztailaren 1etik 2025eko ekainaren 30era** arte izango ditu ondorioak.—Emandako dirulaguntza behar bezala erabili dela justifikatu behar zaio Kirol departamentuari, Ibarako Udalaren dirulaguntzen ordenantza orokorrak III. Kapituluaren xedatutakoaren arabera

Zazpigarrena.- Dirulaguntza jaso dezaketen gastuak.

Dirulaguntza jaso dezaketen gastutzat hartzen dira, indarrean dagoen legeriaren eta Ibarako Udalaren Ordenantza Orokorraren aurreikuspenen esparruaren barruan, baldintza hauek betetzen dituztenak: batere zalantzarik gabe lagundutako jardueraren izaerarekin bat etortzea; deialdian, hitzarmenean edo emakida-ebazpenean ezarritako epearen barruan egitea; beren eskuraketa-balioa merkatuko balioa baino handiagoa ez izatea; eta, deialdian, hitzarmenean edo ebazpenean espresuki kontrakoa xedatu ezean, justifikatzeko epea bukatu aurretik egiaz ordaintzea.

Bakar-bakarrik onartuko dira dirulaguntza eman edo hitzarmena onartutako urtearen barruan sortzen diren gastuak.

Dirulaguntza jaso dezakeen gastuaren zenbatekoa handiagoa bada kontratu publikoen gaineko legerian kontratu txikirik ezarritako zenbatekoak baino, pertsona onuradunak gutxienez hiru hornitzailearen eskaintzak eskatu beharko ditu. Hori ez da beharrezkoa izango baldin eta, dirulaguntza jaso dezaketen gastuen ezaugarri bereziengatik, merkatuan ondasun edo zerbitzuok egin, eman edo hornitzen dituen hainbeste entitaterik ez badago, edo gastua dirulaguntza eskatu baino lehen egin bada. Alderdi horiek ziurtasun osoz justifikatu beharko dira. Aurkeztutako eskaintzak aurkeztu behar dira edo justifikazioan edo, hala badagokio, dirulaguntzarako eskabidean. Proposamen ekonomikorik onena aukeratzen ez denean, espresuki justifikatu beharko dira, memoria baten bidez, erabili diren irizpideak.



IBARRAKO UDALA
GIPUZKOA - EUSKAL HERRIA



Zortzigarrena.- Dirulaguntzaren justifikazioa.

Dirulaguntza emateko egintzan aurreikusitako baldintza eta helburuak betetzearen eta lortzearen justifikazioa egingo da DLOaren 30. artikuluan, DLOaren Araudian eta Ibarako Udalaren III kapituluan dirulaguntzen Ordenantza Orokorren aurreikusita dagoenaren arabera.

Dirulaguntza justifikatuko da «**justifikatzeko kontua ordainagiriak aurkeztuta**» izeneko modalitateaz, oro har, honako dokumentazio hau duela:

- a) **Jarduera-memoria bat**, dirulaguntza ematean ezarritako baldintzak betetzen direla justifikatzeko. Memoria horretan adieraziko da zein jarduera egin diren eta zein emaitza lortu diren, eta, ahal den neurrian, datu guztiak sexuen arabera banatuta aurkeztuko dira.
- b) **Egindako jardueren kostua** justifikatzeko 1. eranskina behar den bezala bete.

Bederatzigarrena.- Dirulaguntzen justifikazioa aurkezteko epea.

Dirulaguntzen justifikazioa aurkezteko epea izango da hilabete bat, jarduera gauzatzeko epea bukatzen denetik kontatuta, eta gehienez 2025eko uztailaren 31a

Hamargarrena.- Diruz lagundutako jardueraren publizitatea.

Komunikazioa eta publizitate euskarriak: karteldegietan, sare sozialetan, web orrian, ikus-entzunezkoetan eta, oro har, komunikaziorako erabiltzen diren edozein euskarrietan txertatu beharko da Ibarako Udalaren logoa edo irudia, baita aipatzea udalak diruz lagundutako jarduera dela

Ekipazioak: Dirulaguntzaren onuradunek Ibarako Udalaren armaria edo irudia eman beharko da kirolarien kirol-ekipazioetan espazio berezi eta erraz ikusteko moduko batean.

Dirulaguntza jasotzen duen erakundeak konpromisoa hartzen du Ibarako Udalak beharrezkotzat eta interesgarritzat jotako gizarte, hezkuntza, kultura eta jolas-ekitaldietara joan eta bertan parte hartzeko.

Hamaikagarrena.- Euskararen erabileraren normalizazioa

Ibarako Udalerrian euskararen erabilera normalizatzeko, klubak ematen dituen ahozko informazioak, idatzizkoak eta publizitateak (telefono deiak, bozgorailuak, irriak, abisuak, kartelak, oharrak, sare sozialak, web orriak...) euskaraz egingo dira. Elebitan egiten badira, euskara izango du lehentasuna eta gaztelania baino portzentaje handiagoan. Udalarekin izango den harremana dirulaguntza eskaerak, informazioa, bilerak etab, euskaraz izango du lehentasuna.

Ibarako Udalak Euskararen erabilera normalizatzeko udal ordenantzaren onartuta dituen irizpideak bete beharko dira

Familiekiko edozein komunikazio motatan euskara lehenetsiko da eta gaztelania baino nabarmenagoa

Hamabigarrena.- BERDINTASUNA, GENERO-INDARKERIA, SEXU-JAZARPENA eta HAURREN ETA GAZTEEN AURKAKO BIOLENTZIAK

- a) Ez dira onartuko klubeko kideen artean genero-indarkeria, sexu-indarkeria sustatzen eta/edo horien protagonista diren jarrerak edo mezuak egotea, ezta Igtbi+ kolektiboko pertsonen eskubideen eta duintasunaren aurkakoak izatea ere. Halakorik balego, klubak horiek desagerrarazteko neurri egokiak hartu beharko ditu. Bestela, hitzarmen hau deuseztatzeko arrazoia izan daiteke, horrek eduki ditzakeen ondorio ekonomikoekin
- b) Genero ikuspegia kontuan hartuko da dirulaguntzaren justifikazio txostenean: datu bilketan, estatistikan eta abarretan.
- c) Berdintasunaren, aniztasunaren, inklusioaren, rol eta genero identitate aniztasunaren balio positiboak dituzten mezuak sustatzen ahaleginak egingo dira



IBARRAKO UDALA
GIPUZKOA · EUSKAL HERRIA



- **Adin txikikoen babesa**

- a) Haurrak eta Nerabeak indarkeria fisikoa, emozionala eta psikikoaren aurka babesteko protokoloa aurkeztu behar da udaletxean.

Hamahirugarrena.- Iraungitzea.

Hitzarmen hau iraungiko da Sektore Publikoaren Araubide Juridikoaren 40/2015 Legearen 51. artikuluan zehaztutako kasuetan.

Hamalagarrena.- Kontrol eta jarraipena.

Hitzarmen honen finantza kontrola pertsona edo entitate onuradunei egingo zaie, edo hala badagokio, erakunde kolaboratzaileei. Finantza kontrola Ibarako Udalaren Diru-laguntzen Ordenantza Orokorren 48. eta 49. artikuluetan xedatutakoari jarraiki egingo da.

Hitzarmen honen onuradunak behartuta daude kontrol finantzarioa egiten duten funtzionarioei lankidetzara eskaintzera eta horretarako eskatzen zaizkien agiriak eta beharrezko informazioa eskuratuko diete.

Jarraipen eta kontrol prozesu horretan hitzarmen honetako baldintzak ez direla betetzen ikusten bada, beharrezko neurriak hartuko dira diru itzulketa egin dadin, eta kasua bada, emandako diru-laguntza kobratzeko eskubidea galduko da.

Hamabosgarrena.- Emandako diru-laguntzaren itzulketa

Hitzarmen honek arautzen dituen dirulaguntza lotuta dago Ibarako Udalaren Diru-laguntzen Ordenantza Orokorren itzulketa araubideari.

Diru-laguntza jasotzen duen pertsona fisiko edo juridikoaren aldetik hitzarmen honetan zehaztutako klausuletakoren bat ez betetzeak dirulaguntza iraungiaraztea edo gutxitzea ekarriko du. Dena den, Ibarako Udalaren Diru-laguntzen Ordenantza Orokorren 46. artikulua eta harekin bat datorren gainontzeko araudiak xedatzen dutena aplikatuko da.

Jarduera bertan behera geratuko balitz, edo eskaeran jaso zenetik guztiz ezberdina baldin bada, jasotako dirulaguntza itzuli egin beharko da.

Hamaseigarrena.- Lan eta zerga legeria.

Diruz lagundutako elkarteak bete beharko du, bere jarduera gauzatzean, indarrean dagoen legedian ezarritakoa, bereziki zergei, lan-harremanei, Gizarte Segurantzari edo horren aplikaziotik eratortzen den guztiari dagokienean.

Hamazazpigarrena.- Izaera administratiboa.

Hitzarmen honek izaera administratiboa du. Beraz, bere klausulek eta bere kasuan aplikatzekoa den legediak arautzen dute.

Hemezortzigarrena.- Erantzukizunpeko adierazpena.

Ibarako Udalaren dirulaguntzen Ordenantza Orokorren 6 artikuluan xedatutakoaren arabera, DLOren 13.2 artikuluan ezarritako onuradun izateko debekuetan erortzen ez delako egiaztapena egingo da notario baten edo funtzionario publiko baten aurreko erantzukizunpeko adierazpen baten bidez.

Hemeretzigarrena.- Gainerako legeria.

Hitzarmen honetan araututa ez dagoenean, bete beharko da honako lege-arau hauetan xedatutakoa: 40/2015 Legea, urriaren 1ekoa, Sektore Publikoaren Araubide Juridikoarena; 38/2003 Legea, azaroaren 17koa, Dirulaguntzei buruzkoa eta berau garatzeko Erregelamendua onartzen duen 887/2006 Errege Dekretua, uztailaren 21ekoa; eta Ibarako Udalaren dirulaguntzen Ordenantza Orokorra.



IBARRAKO UDALA
GIPUZKOA · EUSKAL HERRIA



Hogeigarrena.- Izaera pertsonaleko datuak.

Izaera pertsonaleko datuak arautzen duen legeriak agintzen duenari jarraituta, bi aldeek konpromiso hartzen dute indarrean dagoen legerian xedatutakoa, aplikatu daitezkeen guztian, beteko dutela.

Hogeita batgarrena.- Baimentzea.

Entitate onuradunak espresuki ematen dio baimena Ibarra Udalari, edozein momentutan eta edozein Administrazio edo Erakunde Publikotatik zuzenean eskura ditzan hitzarmen honen bitartez eskatutako dirulaguntza lortzeko ezinbesteko baldintzak betetzen direla egiaztatzeko behar diren datuak.

Hogeita bigarrena.- Gardentasun Ataria.

Hitzarmenaren testua argitaratuko da Gardentasun atarian

Eta ados daudela adierazteko eta sinatzaileei dagozkien ahalmenak baliatuta, bi alderdiek hitzarmen hau sinatu dute, bi aletan, goiburuan adierazitako tokian eta datan

Sinadura

Igor Zapirain Lizarribar

Ibarrako alkatea

Sinadura

Juan Pablo Zubelzu Arrayago

Lauburu Kirol Elkarteko presidentea



1. ERANSKINA

JUSTIFIKAZIO EKONOMIKORAKO EREDUA

A) SARREREN JUSTIFIKAZIOA

Azalpena	kopurua
SARRERAK:	
Proiektuaren berezko diru -sarrerak: _____ (Onartu den guztia, ez bakarrik ordaindutakoa)	€
Erakunde pribatuaren dirulaguntzak: _____ (Onartu den guztia, ez bakarrik ordaindutakoa)	€
Ibarrako Udala dirulaguntzak: (Onartu den guztia, ez bakarrik ordaindutakoa)	€
Gipuzkoako Foru Aldundiaren laguntza (Onartu den guztia ez bakarrik ordaindutakoa)	€
Eusko Jaurlaritzaren laguntza (Onartu den guztia, ez bakarrik ordaindutakoa)	€
Beste erakunde publiko baten laguntza _____ (Onartu den guztia, ez bakarrik ordaindutakoa)	€
Beste batzu: _____	€
GUZTIRA SARRERAK	€
SARRERA AURREIKUSPEN HONETATIK ZE KOPURU DAGOEN ORAINDIK JASOTZEKO	€
<ul style="list-style-type: none"> - Ibarrako udala - Gainontzekoak 	

B) GASTUEN JUSTIFIKAZIOA

Taula orokorra

Azalpena	kopurua
GASTUAK DENERA, MOTAREN ARABERA	
Pertsonal kontratuak denera	
Asistentziagatiko ordainagiriak denera	
Fakturak denera	
Tiketak erosketak (20 eurotik beherakoak) denera	
Beste administrazioetako erreziiboak denera	
Tiketa, elkarteen lokalen erabilerarena	
Kilometrajea denera	
Zeharkako gastuak	
GASTUAK GUZTIRA	

Justifikatutako gastuak zehaztuta



IBARRAKO UDALA
GIPUZKOA · EUSKAL HERRIA



TAULAREN ARGIBIDEAK

Jarduerak eragindako gastuen zerrenda sailkatua betetzerakoan honako datu hauek zehaztu beharko dira:

1. Mota: Agiri mota: Nomina, Asistentzia ordainagiria, Beste administrazioko erreziboak, Faktura, gastu tiketa (20 euro arte), elkarteko tiketa, edo kilometrajea.
2. Zenbakia: Faktura edo tiketa bada
3. Data: kasu guztietan
4. Igorlea jarri behar da: Faktura, errezibo eta Tiketetan, horiek burutzen dituena, eta Hartzailea jarri behar da nomina eta ordainagirietan, lana edo prestazioa burutu duen pertsona.
5. IFK edo NAN.
6. Kontzeptua: gastuaren objektua
7. BEZ-a: Faktura eta Tiketen kasuan.
8. PFEZa: Nomina, ordainagiri kasuan eta autonomoen fakturretan.
9. €: Dirulaguntza -eskatzailleak ordaindu behar izan duena.
10. Guztira: Kontzeptu guztien batuketa

Aipatutako erakundearen ordezkari legala naizen aldetik, honako hau

Adierazten dut:

Eranskin honetan jasotako datuak egiazkoak direla, bertan jasotako ordainketak eginda daudela, deialdi honetako 13. Artikuluak ezarritako betebeharrak betetzen ditudala eta, nolana ere, prest nagoela Ibarako Udalaren esku jartzeko jasotako dirulaguntza behar bezala erabili dela egiaztatzeko beharrezkoak diren agiri guztiak.

Arduradunaren sinadura eta erakundearen zigilua :

XXXXXXXXXXXXXX

Izena Abizenak.....XXXXXXXXXXXXXXXXXXXXX.....

Lekua eta data:n, 2020korenan

LEGE-OHARRA

Datu Pertsonalak Babesteari buruzko abenduaren 13ko 15/1999 Lege Organikoarekin eta Datu Pertsonaletarako Jabetza Publikoko Fitxategiei eta Datuak Babesteko Euskal Bulegoa Sortzeari buruzko otsailaren 25eko 2/2004 Legearekin bat etorriz, deialdi honen tramitazioan jasotako datu pertsonalak, parte-hartzaileek erabiltzea eta argitaratzea baimenduko dituztenak, fitxategi batean jasoko dira. Fitxategi honen helburua deialdi honetako dirulaguntzak eta deialdi honekin zer ikusia duten beste edozein prozedura edo espediente administratiboa kudeatzea izango da, eta baita deialdi honetara aurkezten diren pertsonen deialdiaren garapenari buruz informatzea ere. Fitxategi honen arduraduna Ibarako Udala da. Lege horretan adierazitako sarbide, zuzenketa, ezabatze eta aurkatze eskubideak erabiltzeko Kirol Sailerak jo beharko da, helbide honetara: San Bartolome plaza 2, 20400-Ibarra.



IBARRAKO UDALA
GIPUZKOA · EUSKAL HERRIA



LAUBURU
kirol elkartea ibarra

3.-ERANSKINA

ASISTENTZIAGATIKO ORDAINAGIRI EREDUA. KIROL EKIMENAK

ELKARTEA:		IFZ:	
-----------	--	------	--

IZENA :		NAN :	
------------	--	----------	--

DATA	JARDUERA	TOKIA	KOPURUA

DENERA HILEKO / KURTSOKO	
--------------------------	--

Elkartearen sinadura

Jasotzailearen sinadura



IBARRAKO UDALA
GIPUZKOA · EUSKAL HERRIA



LAUBURU
kirol elkartea ibarra

ERANSKINA 4

ASISTENTZIAGATIKO ORDAINAGIRI EREDU OROKORRA EKIMENAK

ELKARTEA:		IFZ:	
-----------	--	------	--

IZENA :		NAN :	
------------	--	----------	--

DATA	JARDUERA	TOKIA	KOPURU GORDINA	% 15 PFEZ	JASOTAKOA ZUZENEAN

DENERA HILEKO / KURTSOKO	
---------------------------------	--

Elkartearen sinadura

Jasotzailearen sinadura



ERANSKINA 5

GARRAIO GASTUEN JUSTIFIKAZIO EREDUA

ELKARTEA:		IFZ:	
-----------	--	------	--

IZENA :		NAN :	
------------	--	----------	--

DATA	JARDUERA	TOKIA	KM	KM 0,19 €	KOPURUA
				X 0,19 €	
				X 0,19 €	
				X 0,19 €	
				X 0,19 €	
				X 0,19 €	
				X 0,19 €	
				X 0,19 €	

DATA	JARDUERA	TOKIA	PEAJEA/ PARKINA	KOPURUA

DENERA HILEKO / KURTSOKO	
---------------------------------	--



IBARRAKO UDALA
GIPUZKOA · EUSKAL HERRIA



LAUBURU
kirol elkarte aibarra



EKS | CSV: **ESKU9f55d4a6-9a1e-4364-897c-f651a57c79c1**

Egiatzatu dokumentu honen osotasuna eta sinadura hurrengo URL edo QR kodean sartuz: <https://uzt.gipuzkoa.eus?De=04210>

Compruebe la integridad y firma de este documento, accediendo a la siguiente URL o código QR: <https://uzt.gipuzkoa.eus?De=04210>

Sinaduren laburpena / Resumen de firmas

Titulua / Título:

2024WDI20005-hitza 24 25 sin/hitza 24 25 sin ()